

DRUŠTVENO KORISNO UČENJE

Znanja i iskustva stečena tokom obrazovanja svakako mogu uticati na shvatanje koliko svaki pojedinac može doprinijeti zajednici, pa tako sve obrazovne institucije mogu podstaknuti uključenost pojedinaca u život zajednice. Cilj svih aktivnosti vezanih za Društveno korisno učenje jeste obrazovanje društveno odgovornih i aktivnih građana.

šk.2019/2020.god.

Nastavničko vijeće na sjednici održanoj 11.10.2019. godine je donijelo Odluku o imenovanju koordinatora i supervizora za društveno korisno učenje u šk.2019/2020.god., u skladu s Odlukom o realizaciji društveno korisnog učenja u srednjim školama KS broj: 11-04-38-13808-4/18 od 25.06.2019.g.(MONKS). Tom prilikom je prof. Zukić Melisa – nastavnica sociologije, kulture religija i islamske vjeronauke imenovana za koordinatora supervizora. Tim supervizora činili su sljedeći članovi:

1. Nusreta Ćatić – nastavnica bosanskog jezika i književnosti
2. Rasim Katana – nastavnik historije
3. Stanislava Matić – nastavnica engleskog jezika
4. Selma Šehović - nastavnica engleskog jezika
5. Lamija Haskić – nastavnica geografije
6. Ifeta Turčinović – nastavnica građanskog obrazovanja / demokratije i ljudskih prava
7. Vernesa Mujačić – nastavnica matematike
8. Fatima Brdarić – nastavnica hemije
9. Aida Velić – nastavnica likovne kulture
10. Fikret Čović – nastavnik praktične nastave

Ovaj vrijedni tim je u toku šk.2019/2020.god.realizovao aktivnosti koje su definisane načelima Društveno korisnog učenje. A neka od njih su:

- Unapređenje procesa učenja i istraživačkih aktivnosti,
- Poticanje društvenog zalaganja učenika u nastavi,
- Upoznavanje sa potrebama društva,
- Razvijanje svijesti o vlastitim mogućnostima kod učenika
- Vježbanje organizacijskih vještina i timskog rada; vježbanje komunikacijskih vještina
- Razvijanje empatije kod učenika
- Reduciranje broja sati provedenih uz kompjuter ili mobitel itd.

Realizovane aktivnosti:

1. Podrška realizaciji 5. Hadžići film festivala

JU Srednjoškolski centar Hadžići u saradnji s Općinom Hadžići vrlo uspješno organizuje i realizuje Hadžići film festival. To je mjesto okupljanja mladih kreativaca, zaljubljenika u filmsku i foto umjetnost, sa područja Bosne i Hercegovine i šire. Inicijator održavanja Hadžići film festivala je prof. Ćatić Nusreta sa članovima Filmsko – scenarističke sekcije - „Movie club“. Kao podrška realizaciji ovogodišnjeg, tradicionalnog Hadžići film festivala pridružio se tim supervizora sa koordinatorom i učenicima I razreda i odjeljenja II-1.

U toku ove školske godine u DKU učestvuje 10 odjeljenja i to: II1, I1, I2, I3, I4, I5, I6, I7, I8 i I9 (220 učenika) sa 10 supervizora koji prate DKU i Koordinatorom DKU. Ovoj velikoj grupi visoko motiviranih učenika i profesora Općina Hadžići i Srednjoškolski centar Hadžići su omogućili posebnu privilegiju da svaki učenik iz navedenih grupa može realizirati određeni broj sati DKU direktnog oblika rada kroz učešće u pripremi 5. HFF.

Profesorica Nusreta Ćatić i njen „Movie club“ su učenike svesrdno prihvatili i predložili oblasti u kojima učenici mogu direktno doprinijeti kroz DKU, pa je nastupila oluja ideja svih 220 učenika koji su ih pretočili u projekte i povezali se sa supervizorima.

- Tada je I1 za supervizora dobio prof. Aidu Velić, te su njihovi projekti bili usmjereni u pravcu osmišljavanja dizajna zvaničnog pobjedničkog pehara i makete filmske kamere sa postoljem u prirodnoj veličini.






- I1 je u svojim projektima neke grupe angažirao u okviru DKU na vođenju filmskih kreativnih radionica čiji je cilj približavanje filmske umjetnosti osnovcima. Pri tome je ostvarena saradnja sa gradskom bibliotekom i 4 osnovne škole sa područja Općine Hadžići. Supervizirala ih je prof. Aida Velić.



- Supervizor prof.Nusreta Ćatić (koja je ujedno i realizatog 5. HFF kao voditelj sekcije „Movie club“) je grupe iz I2 odjeljenja pratila u pravljenju nacrtu dizajna pehara i makete sa tačnim dimenzijama i uputama za pravljenje.





- Grupe stolara, bravara, keramičara, plinskih i vodoinstalatera te automehaničara (18, 17, 16) su sa supervizorima prof.Aldinom Čović, prof.Lamijom Haskić i prof.Fatimom Brdar napravila unikatan pobjednički pehar za 5. HFF i maketu filmske kamere u prirodnoj veličini sa postoljem.






- Grupe učenika iz I3 su sa supervizorom prof.Vernesom Mujačić napravile „Vremeplov Hadžići film festivala“ koji na tvrdoj podlozi ima trajni karakter a prikazuje specifičan logo, pobjednike i pregled filmskih uradaka, što ostaje kao osnova za naredne festivale sa namjerom da se pravovremeno pravi za svaki naredni HFF.



- Grupe učenika Prehrambeni tehničari I4 i kuhari I9 su sa svojim supervizorima prof.Selmom Šehović i prof.Rasimom Katanom, doniranu hranu aranžirali i pripremili za posluživanje doprinoseći ovom društvenom i kulturnom događaju otmjenom jednostavnošću.



- Grupe učenika Turistički tehničari I5 su sa supervizorkom prof.Stanislavom Matić realizirali projekte DKU iz oblasti turističkog afirmiranja ovog događaja praveći turističke letke i aktivno saradujući sa Turističkom zajednicom Hadžići.





- Grupe učenika iz 16, 17 i 18 su u svojim projektima DKU na HFF-u bili snaga koja je direktno doprinijela uređenju scene i prostora u kojem se 5. HFF odvijao uz rad na pravljenju pehara i makete filmske kamere.







- Grupe učenika iz 18 – krojači su uz supervizorsvo prof.Aldine Čović realizirale projekte šivenja cekera za nagrade sa logom 5. HFF-a,



- a grupe frizera i 19 su uz supervizorstvo prof. Rasima Katane realizirale projekte DKU pravljenjem frizura učesnicima.



- Učenici iz grupa II1 uz supervizorstvo prof. Ifete Turčinović svoje projekte DKU vezane za 5. HFF su usmjerili na aktivnosti nakon HFF-a. Njihov zadatak bio je da naprave „Osvrt“ – postere koji pokazuju sve segmente DKU uključene u 5. HFF i sve segmente realizacije samog Festivala. Posteru su predstavljeni u zajedničkim prostorijama škole (holu škole) kao uspješna reklama uspješnog poduhvata.

Svi učenici su utrošili između 2 i 4 sata DKU za vrijeme priprema 5. HFF te sa ponosom možemo reći da smo se već na kraju novembra približili cifri od 1000 sati DKU.

Uz navedeno ističemo da su i supervizori i koordinator utrošili između 6-10 sati rada (individualno) na pripremama DKU za 5. HFF.

Pored svega, profesori praktične nastave kao stručni mentori (Vejsanda Fazlić, Mediha Topalović, Maid Mujić, Zahid Lihovac, Elnes Ejubović i Fikret Čović) su još jednom pokazali podršku i direktnu pomoć pri realizaciji ovih projekata, koji su upravo zbog njihove ekspertize pokazali vidljive rezultate.

Svakako, „Movie club“ su uz profesoricu, mentoricu i supervizoricu Nusretu Čatić bili samo „srce DKU“.

Mnoga, tradicionalno zapostavljena djeca, koja zbog intravertiranosti ili nedostatka samopouzdanja ostanu u drugom planu prilikom školskih kreativnih i inovativnih aktivnosti sada su pronašla prostor za sebe i sa velikim zadovoljstvom osjetila slast dobro obavljenog posla i realiziranog projekta.

Zbog svega navedenog tim supervizora i koordinatora DKU iskazuje iskrenu zahvalnost upravi naše škole, direktoru Selveru Ejuboviću i njegovim zamjenicima koji su stavivši na raspolaganje materijalne i tehničke potencijale škole individualnim i grupnim naporima učenika, omogućili poboljšanje kvalitete društvenog i kulturnog života u Hadžićima.

2. Saradnja sa Crvenim križom općine Hadžići

Navedena aktivnost imala je za cilj prikupljanje tople odjeće za migrante smještene u Centru „Ušivak“. Inicijativu je pokrenuo Crveni križ općine Hadžići, a svesrdno su se pridružili učenici i nastavnici angažovani u okviru Društveno korisnog učenja. U saradnji sa nastavnicom Vejsandom Fazlić i prof. Čović Aldinom, koje su sa grupom krojača vrijedno radile u Tekstilnoj radionici da prikupljena odjeća bude adekvatno razvrstana, ispeglana i upakovana realizovana je aktivnost koja je kod učenika pobudila empatiju prema osobama u potrebi.



3. Podjela novogodišnjih paketića

U JU Srednjoškolski centar Hadžići postoji duga tradicija dodjele novogodišnjih paketića za braću i sestre naših učenika slabijeg imovnog stanja. Tu aktivnost realizuje Klub „Humanitaraca“ sa prof. Šehović Selmom. Navedenoj aktivnosti su se u ovoj školskoj godini pridružili grupe učenika sa supervizorima uključenim u akcije Društveno korisnog učenja. Učenici su radili u pripremi i podjeli novogodišnjih paketića. Priprema je podrazumijevala obavijesti o akciji prikupljanja novca za paketiće u toku časova odjeljenskih zajednica; organizovanje ulične akcije za prikupljanje novca na ulicama Hadžića; uređenje prostora za održavanje priredbe; pakovanje paketića i prisustvo i učestvovanje na samoj priredbi.





4. Humanitarna akcija za učenika naše Škole

Učenici i profesori uključeni u DKU aktivnosti realizovali su i humanitarnu akciju prikupljanja materijalnih sredstava za pomoć učeniku I razreda, u svrhu liječenja. Učeniku su navedena sredstva bila neophodna kako bi se mogla biti izvršena operacija očiju, van Bosne i Hercegovine.

5. Akcija čišćenja i uređenja školskog dvorišta

Navedenu aktivnost realizovali su marljivi učenici I 8 odjeljenja - zanimanje stolar, u saradnji sa prof. Čović Aldinom.



6. Uređenje školske kantine

Iako škola posjeduje savremenu školsku kantine učenici učenici I 1 su odlučili da uljepšaju ambijent u kojem učenici objeduju. Tako su odabrali 7 najboljih likovnih radova, koje su uz podršku domara uramili, a potom dekorativno obogatili navedeni prostor.



Umjesto zaključka

Nakon realizovanih aktivnosti neophodno je istaći da su sati provedeni u okviru Društveno korisnog učenja učenicima omogućili da unaprijede svoje komunikacijske vještine, razvijaju drugarske odnose, stiču osjećaj pripadnosti društvenoj zajednici i razvijaju lični osjećaj da je unapređuju. Društveno korisno učenje otvara mogućnost učenicima da razvijaju i svoje sposobnosti na polju istraživačkog rada, kroz provođenje istraživanja i ispitivanja potreba društvene zajednice, kako bi je unaprijedili.